



Apirilaren 4an abiatuko da 21. Korrika Garesetik eta 2.000 kilometro inguru zeharkatu ondoren Gasteizera helduko da apirilaren 14an. Horrela iragarri dute AEK eta Korrikako arduradunek Donostiako San Telmo museoan egindako agerraldian. Korrikak eta AEK-k hasierako helburuak mantentzen dituzte: babes ekonomikoa lortzea euskaltegientzat eta euskararen aldekotasuna sustatzea. Aurtengo leloa: Klika da eta 21. Korrikak Jose Luis Alvarez Enparantza Txillardegi omenduko du, euskara batuaren sorreran izan zuen funtsezko paperagatik.

alt=""

```
swfobject.embedSWF('http://www.youtube.com/v/ozWRMC-aMKg','avreloaded0','400','320','9.0.28','/plugins/content/avreloaded/expressinstall.swf',{autoplay:'0',color1:'0xFFFFFFFF',color2:'0x000000',rel:'0',egm:'0',border:'0',loop:'0'},{wmode:'window',bgcolor:'#FFFFFF',menu:'true'},{id:'p_avreloaded0',styleclass:'allvideos'});
```

#### AEKren oharra:

AEK-k antolatuta, Euskal Herri osoa zeharkatuko du KORRIKAK 2019ko apirilaren 4tik 14ra bitartean. «Klika» da hautatutako leloa: euskararen aldeko hautua egiteko eta euskararen aroarekin bat egiteko deia. Txillardegi omenduko dute edizio honetan, kulturean, euskalgintzan, pentsamenduan... ekarri zuen aldaketa aintzat hartuta

KORRIKAREN 21. edizioa aurkeztu dute AEK eta KORRIKAREN arduradunek Donostiako San Telmo museoan egindako agerraldian. 2019ko apirilaren 4tik 14ra bitartean, Euskal Herri osoan barrena ibiliko da euskararen aldeko lasterketa, Gares abiapuntu eta Gasteiz helmuga hartuta. Gasteizen bertan jakingo da KORRIKAREN sekreturik handienetakoak: lekuko barruan ehunka

kilometro egin dituen mezuaren egilea.

AEKren koordinatzaile nagusi Mertxe Mugikaren esanetan, KORRIKAK hasierako helburu bikoitzari eusten dio: babes ekonomikoa lortzea eta euskararen aldekotasuna sustatzea. Ildo horretan, euskaltegiei bideratzen zaizkien baliabideak oraindik «ez nahikoak» direla esan du Mugikak, aurrerapausoak izan direla aitortu badu ere.

Hiztunen aktibazioaz ere mintzatu da Mugika: «Ezinbestekoa da helduen espazioek euskaraz funtzionatzea». AEKren helburua euskaraz bizitzea izanik, erronka globalizat hartzen dute, eta horretan ari dira hasi berri den ikasturtean. Euskaraldia ariketa soziala ere gogoan izan du: «Zinez sinesten dugu euskaltegietan, mintzapraktika egitasmoetan, euskararen planetako langileen artean, milaka eta milaka ahobizi eta belarriprest aterako direla». Zeregin horretarako, erritmoak azkartzea eta aliantza estrategikoak egitea giltzarriak direla adierazi du.

Klika

KORRIKAREN beraren mamiari erreparatuta, Asier Amondo KORRIKAREN arduradunak eman ditu azalpenak. «Klika egitea aukera bat hartzea da, euskararen aukera hartzea». Hala dio 21. KORRIKAREN mezuak. Erabat lotuta dago, beraz, Euskaraldiarekin eta ohitura aldaketarekin. Konpromisoak hartzeko garaia dela esan du Amondok.

Jose Luis Alvarez Enparantza Txillardegi zenak ere, Klika egin zuen bere garaian, eta jarrera aldaketa bultzatu zuen kulturen, euskalgintzan, pentsamenduan, politikan... Horrexegatik eta Txillardegik Euskara Batuaren sorreran izan zuen funtsezko paperagatik erabaki dute AEK-k eta KORRIKAK Txillardegi omentzea 21. edizio honetan.